

欽定剿平三省邪匪方略

欽定剿平三省邪匪方略續編卷十三

癸亥年

五月十七日

庚戌

額勒登保奏言

臣

查達斯呼爾

岱等追剿之零匪百餘人有賊目齊國典在內
必項先子殲除隨率兵督催而進據達斯呼爾
岱等稟報叅將李應元等追至長坪見有賊匪
十餘人在山坡炊食當經兵勇殲斃四名生擒
九名遊擊張拱辰在朱家壩趕及賊匪殲斃三

名生擒七名叅將羅思舉在窩坑搜獲五名查
訊各犯據供齊國典因官兵追急與李先鋒分
爲三股逃竄齊國典只帶六人李先鋒亦只帶
十餘人要到黑包山會合等供獲犯內有苟宗
文李獠牙二犯係跟隨齊逆之人暫留作眼其
餘均卽正法臣進抵石塘壩據叅將特依順保
遊擊劉健標劉元明湯占先等陸續獲賊十七

名訊供齊國典只帶六人逃去當卽飛行傳諭
各路兵勇不分雨夜務期尅日殲獲旋據田朝
貴稟報帶兵探剿至鹽井壩聞有賊匪六人在
林伏匿卽派兵入林搜捕追至圓山寺搜獲賊
匪二名餘匪四名又翻山奔竄兵勇緊跟至大
茨蓬溝趕上該匪猶敢抗拒內有一賊直前衝
撲兇悍較甚經兵丁陳玉奉用矛戳斃餘賊三

名悉行生縛一併解送來營臣查訊獲犯內老

教掌櫃吳邦奎據供襄陽人與戴四一同起事

屢被官兵剿散同先鋒路紹成一共六人逃到

四川不想官兵搜來路先鋒在前抵敵當被殺

死等供當將該犯凌遲處死其餘四名卽行正

法又據叅將哈豐阿稟報據千總顧應全報稱

有賊匪六人在安樂寨對面山林烤火顧應全

等帶兵入林搜捕哈豐阿聞信馳赴該處四面圍住分兵入林搜捕經把總周貴搜獲賊匪蔣義娃一名問據供稱斬元帥卽在此內穿絳色紬襖衫卽是各兵勇聞信架入分搜突有一人身穿紬衫自林中跑出欲奪路奔逃千總顧應全首先追趕聲喊生擒邀賞該匪情急扒上陡岩擲石抵拒甚爲兇悍把總穆應貴趕到同顧

應全冒石槍上卽用矛刺中該匪頭項左脇倒地經軍功熊鳴鳳余貴繞路上前擒住該匪已
經氣絕其餘匪鄭必富一名經軍功劉應魁擒
住訊據供稱熾斃之賊卽靳元帥當卽割取首
級並所穿衣服同獲犯二名先行差弁馳送來

營臣查驗解到首級核與冊檔所記靳逆年貌

相符訊據獲犯蔣義娃供稱靳元帥名叫靳思

慶係靳士黃之弟同靳士黃合苟文明一路進
南山因靳士黃被官兵打散靳思慶就自爲元
帥今年二月纔與齊國典合營因大兵趕來各
自分逃他共帶十一人被官兵殺獲只剩六人
這殺死的實係靳元帥等供臣查該逆率領殘
匪由陝竄川雖非著名賊目亦係稔惡之犯今
就殲斃以淨根株亦足稍快人心又據遊擊馬

成林來營面稟在清涼溝搜獲賊匪李懷中一名據稱伊卽與齊國典等六人一同逃走齊國典身穿破白紬衫舊紅褙馬褂帶同幼孩二人自走一路等語馬成林卽帶該犯作眼尋蹤而進初四日至黑漆溝遇見該處寨民云見有一人形跡可疑馬成林等當分派寨民在林外路口堵截令兵勇入林搜至土山腰見賊匪二人由

林內突出我兵卽追趕擒獲一名其前面之賊
見無路可逃卽跳下懸岩經把總毛三貴兵丁
陳萬明覓路下岩尋找業經跌斃氣絕當訊活
賊供稱跌斃者卽係齊國典隨令割取首級均
與歷次冊檔所記該逆年貌相符並令暫留作
眼之苟宗文李獠牙辨認均稱實係該逆衣服
亦卽係近日所穿毫無疑義

臣

查齊國典一犯

前曾隻身潛逃繼又入夥率眾奔竄仰仗

皇上天威並

懸賞鼓勵將該逆臨陣殲戮可見此等兇徒斷不能
倖逃法網此次殲戮首逆超眾出力之把總毛
三貴兵丁陳玉奉軍功熊鳴鳳余貴等四名仰

懇

皇上恩施賞戴藍翎以昭激勸其餘奮勉人員遇缺

拔補至斬逆殘匪所餘不過一二十人零星分
散已飭知總兵達自祥通判劉星渠分投搜緝
太平山內祇有齊逆一股今已擒斬甚多尙有
續後賊目一二名在逃未獲臣仍令各官兵逐
處搜捕並隨處親諭各寨洞居民協力搜拏給
子賞格告示如有弋獲卽解送軍營領賞不許
私行殺斃奏入

上命軍機大臣傳諭額勒登保曰自上年奏報戡定
以來賊匪著名首逆均已殲戮惟齊國典一犯前
曾隻身潛匿繼又結夥奔逃輾轉稽誅今臨陣殲
斃是從前未獲兇渠實無一名漏網指日即可全
數廓清額勒登保自經朕訓飭以來甚知感奮現
督官兵認真趕剿將緊要賊口盡數殲除實屬可
嘉額勒登保著賞還御前大臣並紫韁用昭優獎

遊擊馬成林帶同弁兵入林搜捕使齊國典無路
可逃跳崖跌斃實爲出力著交部議敘把總毛三
貴兵丁陳玉奉軍功能鳴鳳余貴均著加恩賞戴
藍翎以示鼓勵現在斯逆殘匪不過一二十人卽
齊逆一起首惡已除餘匪三五星散亦不難卽日
殄除額勒登保現飭田朝貴達斯呼爾岱等分兵
探剿伊卽自開縣境內沿途探搜前進不過辛苦

一兩旬即可全數完竣共享昇平之福至節次發給賞銀此時統計殘匪不過數百人即使破格鼓勵賞項已極爲充裕但賞不可濫濫則人不知感且恐兵勇有拏獲無辜之民捏稱零匪希圖邀賞轉致激生事端額勒登保現在懸立賞格諭令各處官兵及碉寨居民如有弋獲卽解送軍營領賞不許私行殺斃所見極是嗣後各路解到獲賊卽

當派員隨時審訊其實係真賊自應將擒獻之人
按格賞賚倘其中有捏冒邀恩者卽應治以妄擊
之罪

十八日

辛亥

德楞泰奏言竊

臣

據副將張瑗叅將

祝廷標稟報官兵跟追賊匪二十七日探得該
逆連日聚有五十餘名散屯於五堂口隨卽分
兵進剿賊已南遁當卽趕追至水牛冲老山殺

賊八名生擒三名又分兵四出遍搜殺斃賊匪
五名搜獲六名又據慶溥稟報二十八日守備
任得福千總胡超帶兵進至老山邊上搜剿任
得福殺賊二名生擒一名胡超殺賊三名生擒
十六名餘匪向房縣之後山坪奔逃訊係吉林
泰所追之賊不過一百五六十名隨與色爾滾
等分投抄截跟追該匪由後山坪向興山之長

房河瓢子泡東南奔逃

臣

卽督率富僧德馬瑜

等翻梨子坪老林抄出東面於初五日趕抵豐

玉坪詎該逆知東面有兵又復西折龍門河而

近現飭色爾滾富登阿慶溥馬應國張應貴等

趕緊剿辦不得以逼入川境卽爲了事又據吉

林泰稟報叅將毛秉剛守備李鶴松等在磨拐

子灣擒賊六名殺賊四名並有滾崖帶傷奔逃

者又據副將呢瑪善稟報在東湖興山交界之
郭家山殺賊三名搜獲二名又據叅將馬文斌
遊擊涂陞稟報陸續搜獲賊匪七名又據色爾
滾等稟報初一日至龍門河追上賊尾殺賊十
一名生擒四名臣查楚境只有此起賊匪百數
十人茲經色爾滾慶溥等連日冒雨西追已至
巴東之火峯卽距界嶺不遠孫應奉等在二溪

河截回分兵四面圍剿諒此百餘殘孽定可迅
卽集事查豐玉坪爲東面老山緊要之地南扼
歸州北顧保康房縣

臣

擬於此扼據督飭各鎮

將趕緊搜剿再

臣

接副將馬元遊擊劉彪等稟

報自梁山金定寺大茅山痛剿李逆首夥賊匪
後趕赴開縣剿辦扇子山賊股百餘人探有李
逆餘匪與之合夥十七日追至新寧之夾耳漕

茅坪寺陡梯子趕上痛剿除臨陣殲戮外生擒
偽先鋒孔紀龍偽總兵熊允奇並旗手探馬頭
等又拏獲活賊六十名現仍跟蹤前往臣已飭
令鼓勵兵勇竭力趕辦奏入

上命軍機大臣傳諭德楞泰曰此次德楞泰督飭各
路將領將各處零匪分投搜捕均有斬獲其黃白
兩號合夥賊匪西奔川界經色爾滾慶溥孫應奉

等截回分路圍剿現在楚境殘匪每起俱不過二
三十五六十人卽黃白兩號合夥之賊爲數稍多
亦不過百數十人自無難指日掃除廓清楚境德
楞秦務卽督飭各鎮將上緊趕辦儘五月內將湖
北各匪排搜淨盡斷不可延緩愈速愈妙再摺內
稱副將馬元等稟報趕赴開縣剿辦扇子山賊股
前據吳熊光奏有川匪一股百餘人竄入竹谿之

孔南坪一股二三十人竄入竹谿之雞心嶺等處
此股扇子山賊匪是否卽係吳熊光前日所奏之
賊此兩起川匪竄入竹谿後楊遇春等會否就近
趕往剿辦完竣據實具奏

十九日

王

勒保奏言竊

臣

據副都統銜達斯呼

爾岱副將羅聲臯等稟稱叅將李應元等帶領
兵勇行至長坪捕殺賊匪二名生擒九名據供

稱此起賊匪共有十六人本日殲斃二賊一係探馬頭周朝富一係張四掌櫃名張添德係張添倫之弟活賊九名內有旗手戰手七名其餘二名係被脅未久之人尙有餘匪五人先已免脫達斯呼爾岱羅聲臯等又分派將弁四路搜查在王家營水井溝一帶搜獲賊匪三名又於石塘壩毛草店搜獲賊匪一名查訊各犯或係

湖北人或係四川人均屬積年戰手已就近解
赴經畧額勒登保軍營查辦又據署雲陽縣知
縣梁敦懷稟報有零匪一起十四人由奉節竄
至雲陽所屬老鶴坪聲言欲投梁敦懷當令張
長青前往招撫查係青號偽先鋒黃國澗爲首
與張長青素本認識情願帶衆投誠當卽全數
帶回該署縣開具姓名錄供請示一臣查該犯等

皆係連年被脅入夥之人今既悔罪投誠自應
遵照節次

恩旨免其一死現飭梁敦懷查照各犯原籍送回安
業並飭本籍地方官收到後卽具的保安插毋
任出外遊蕩又據副將蕭鳳來稟報搜剿至漆
樹埡殺斃二名生擒三名訊稱係斬士黃駁內
之賊又據署通江縣知縣徐廷鈺稟報該縣圍

勇何思堂拿剿零賊三名訊係斬逆縣內剿散
零匪共九人一路逃走尙有六人未獲臣當卽

批飭該縣將獲犯三名正法團勇照格給賞又

據報經畧額勒登保派出官兵在空山壩地方

將賊首靳士黃搜獲該逆情急用刀戳心自戕

等語又據副將馬元等稟稱都司瞿心能守備

月志林等兵至鳳臺寺山梁殺斃賊五名生擒

二十名查訊活賊內有白號偽干總袁坤其餘俱係戰手又據大寧縣知縣郭南英等稟報探得螺蛸溪地方有散賊竄走卽令該汛把總邵祥典史陳存衡督率團練前往搜捕旋據團勇謝玉秀等擒獲賊五名兵丁劉易成等獲賊二名訊有熊顯榮一名係熊翠之弟李齊中一名係青號偽先鋒黃潮學一名係偽干總蕭正貴

一名係牙手分別正法其餘難民三名遞籍保

釋

臣

刻下已漸可步履擬於拜摺後卽探赴額

勒登保軍營面商善後一切事宜再查李顯碧

一犯前於嘉慶六年五月間與唐明萬合夥在

川楚交界之柳林店地方被官兵剿敗將該逆

逼入東溪河漂沒無蹤此次馬元所獲賊首李

顯碧係臨陣殺斃無從查訊惟據夥犯王開總

等所供有該逆前年在柳林店地方遇見官兵衝散在店子河跳水漂至下游登岸找著同號唐明萬的人逃過湖北等語與從前賊目李顯碧竄走蹤跡大畧相同似卽係一人奏入

上命軍機大臣傳諭勒保曰勒保奏稱李應元等賊斃二賊一係探馬頭周朝富一係張四掌櫃名叫張添德乃張添倫之弟一節額勒登保摺內未經

敘及又據探報經畧派去官兵在空山壩將賊首
靳士黃搜獲該逆情急自戕等語昨額勒登保摺
內稱殲斃之賊訊係靳元帥名叫靳思慶是靳士
黃之弟等語或係勒保處探報未確又據稱署雲
陽縣令梁敦懷報有零匪黃國澗等十四人投誠
黃國澗等既據查非習教老賊今復悔罪出投自
應免其一死惟當妥爲安插至該署縣梁敦懷前

次張長青王國賢等亦向投誠在彼聽候差遣現
在均屬安分今黃國隆又向該縣投誠如果該員
官聲素好與劉清相似爲衆所信服相率出投著
勒保查明據實保奏又大寧縣知縣郭南英探知
該縣地方有散賊竄走卽會商把總典史帶領兵
勇團練搜獲賊匪數名搜捕一事原應地方文武
隨時留心如州縣等果能併力各就本境搜緝則

賊匪無處容身較之帶兵各員更爲得力此次郭南英搜捕尙屬認真著勒保酌量保奏候朕施恩庶使各該州縣知所激勸

同日興奎奏言督臣惠齡由棧道回甘臣經面

見詳詢山中實在賊情據稱不過二十多人已

派楊芳一手督辦卽日可就肅清臣思零匪雖

屬無幾若聞惠齡驟然帶兵出山難保不勾結

滋擾臣已經行抵洋縣境內去南山不遠似應

親歷其間督令帶來兵勇四百餘名自西向東
旋搜旋進俟與楊芳吳廷剛會面察訪如果只

剩二十餘匪臣仍回寧沔一帶督防各卡奏入

上命軍機大臣傳諭興奎曰南山內餘匪不過二十
餘人楊芳等帶領原辦弁兵足資搜捕計興奎到
彼時自應先已全數查拏淨盡如尙有一二餘孽

興奎但當催令楊芳等趕緊嚴搜勿使一名漏網
仍卽迅速馳回寧河原駐元壩子地方督率各營
卡嚴密防守

同日馬慧裕奏言准德楞泰咨會撤回吉林索
倫官兵巴音保等七十五員各又准吳熊光咨
會撤回吉林黑龍江官兵瑚新保等三十六員
名均由豫境行走茲據南陽府申報該官兵均

於四月二十八日行入新野縣境內有吉林行
營委官色克屯保一員在該縣新店舖白河淹
斃當經撈獲棺殮照例分別應付車馬人夫沿
途供應無誤行走俱極安靜奏入

上諭內閣曰吉林行營委官色克屯保一員曾在軍
營効力此次撤回未及抵家遽遭湮斃情殊可憫
著加恩照軍營病故例賜卹

二十日

丑

吳熊光奏言竊

臣

據各路稟報南漳

寨員湯文炳搜獲旗首賊目趙宗寬一名又同

知張許督率寨首楊添相等搜獲苟逆餘匪股

內矛手楊俸一名又房縣委員王斌第稟報在

天池埡鎗斃賊匪一名時吉林秦前敵官兵趕

到又擊斃賊匪二名生擒二名並據軍功謝國

忠文知科稟報又在東興交界之烟家山老林

搜獲賊匪二名皆係積年戰手俟解到審明辦

理臣現接德楞泰來信房縣分竄之賊前於八

里坪合夥不過一百數十人現由長房河瓢子

泡向東南龍門河奔竄已派富僧德色爾滾慶

溥馬文斌張環帶兵抄截誠恐折入川境又令

都當阿李天林孫應奉帶兵在於九湖堵截至

吉林泰所追之賊亦止百餘人業竄九重當陽

河一帶已派副將呢瑪善參將毛秉剛等兩路
追剿並令吉林泰抄至巴東之火峯界嶺及巫
山之琴樂坪木瓜溪一帶預備遏擊再前此竄
入竹谿之零匪兩股據該縣文武稟報經提督
豐紳等派兵兜截並經楊遇春督率兵勇分路
迎擊該匪等畏懼狂奔一由母猪洞折回川境
一由紅坪遁匿竹山老林現經楊遇春督兵剿

捕其餘各處深山密箐臣已分飭團練委員督率寨勇一體實力排搜奏入

上命軍機大臣傳諭吳熊光曰此次各路將領分投搜捕均有斬獲業據德楞泰具奏現在楚省零匪祇有二三百人經德楞泰分派鎮將堵截追剿各處軍需糧運最關緊要吳熊光當飭知局員趕緊供支不致稍有遲悞爲要至竄匪等總在邊界奔

逸吳熊光當嚴飭帶兵各員務須周密截擊辦一
賊少一賊不可再有延緩致留一二遺孽再前據
吳熊光奏有川匪兩股竄入竹谿地方經楊遇春
等追剿昨因德楞泰摺內聲敘未明業經降旨詢
問茲據奏一股已折回川境一股遁匿竹山老林
現經楊遇春督兵搜捕曾不辦竣一併查明具奏

二十五日

戊午

德楞泰奏言據色爾滾慶溥等報

稱連日與副將張應貴馬應國孫應奉等自蔡家山分路兜剿賊匪一起二三十人出無路處翻山向巫山之龍泉寺觀音巖而遁當派都司會勝帶領兵勇二百名跟追一起百餘人繞出巴東至龍船河哨見官兵趕到卽捨命撲河淹斃十餘人副將張應貴等趕抵河岸殺賊十二名生擒七名又在該處林內搜獲六名投出被

襄難民九名色爾滾慶溥張應貴等卽帶兵淌
水緊蹣跟追該匪被剿清急又由西滾東滾撲
過賈家坪溪河奔上山梁兵勇復行力追又生
擒賊匪五名殺斃五名餘匪冒雨狂奔一起二
三十人折竄白家河經塔翎千總胡超在大石
腦山梁截擊殺賊二名該弁同鄉勇薛學義又
生擒襄陽老教馮元帥趙聰觀一名賊匪十名

名岳疤子訊係王三槐股內先鋒織斃探馬頭
李麻三一名活捉男婦賊匪六名口又探有另
起零匪六七十人竄至大小龍磴一帶分路進
擊該匪哨見兵來伏於朝陽觀恃險抗拒外委
劉倅武藍翎軍功李大材帶兵抄殺斃賊匪
二名生擒三名該匪繞道狂奔我兵緊躡追剿
又斃賊六名生擒藍號偽總兵熊得舉一名斃

匪四名仍卽躡蹤搜剿又據豐紳報稱探有賊
匪五六十人向後溪河而逃兵勇入林分剿斃
賊七名生擒五名滾崖跌斃者十餘名跟追三
十餘里又殺賊六名生擒四名查訊獲賊內有
僞先鋒項得朝一名又供有僞總兵謝娃兒帶
傷不能行走自己跳下天坑等語當卽差人同
項得朝前往該處撈起屍身指認屬實並在該

逆身上搜出木刻廣西左江鎮標中營守備鈐
記一顆又大寧各寨洞團勇四出搜捕鎗斃賊
匪一名殺賊三名生擒二名又核桃壩兵丁獲
賊二名查楚境現在俱無成股之賊計色爾滾
富僧德慶溥張瑗馬文斌等所辦五起零匪統
共不過二百名均有重兵分投跟剿可期剗盡
根株奏入

上命軍機大臣傳諭德楞泰曰此次黃白兩號夥匪
經各路將領分路剿殺生擒老教首逆趙鑑之姪
偽元帥趙聰觀共計殲擒及淹斃跌斃者八九十
人現在楚境零匪不過二百名色爾溲等各率重
兵分投跟剿自無難悉數掃除尅期竣事定限六
月內將楚賊全行掃蕩現在將屈入伏不得藉口
暑熱雨水稍爲鬆勁所有此次擒獲首逆趙聰觀

之藍翎千總胡超著加恩賞換花翎鄉勇薛學義
除賞銀一百兩外著加恩賞戴藍翎以示鼓勵

二十六日

己未

上命軍機大臣傳諭額勒登保德楞泰勒保曰近日
各處零匪勢極殘敗多者不過百餘人少或數十
八十數人爲一起而官兵分路追剿尙派至千餘
名及六七百名似此重兵追壓不特沿途遇有道

路橋梁行走需時并恐人多聲勢浩大賊匪易於
探信聞風遠避之多多益善原指勁敵而言近來餘
匪無多其所出輾轉追逐未能及早完竣之故未
必不由於此朕思與其多而無益將有用之兵置
之無用之地何如確探賊數多少但酌加數倍勻
出兵力分路掩捕不致聲張總同地方官聲氣聯
絡爲要或擇要設伏或探蹤進剿賊匪無從探聽

自難趨避定可一鼓成擒此朕厯念軍務偶籌及
此著額勒登保德楞泰勒保酌量情形分投掩擊
庶兵皆得用迭掃餘氛於六月內早奏肅清

二十七日

庚申

額勒登保奏言

臣

由板斃埡佛爺

嚴一路策應而進途次據田朝貴稟報派兵在
九斗坪沙灣等處搜獲賊匪五名達斯呼爾岱
稟報野猫坪老林有賊匪十餘人伏匿叅將李

應元等帶兵搜捕擒獲男婦七名口又搜獲二
名內有探馬頭楊宗文戰手毛俊等九名均經
正法其曹趙氏等四名甫經被脅卽行省釋又
接賽冲阿來信據副將閻俊烈稟報探聞川境
之修溪壩月亮坪有賊匪二百餘人閻俊烈帶
兵勇二百餘名田梭羅寨進剿該匪由老林南
竄並據叅將閔懷希報稱有零匪一股一百餘

人由大寧紙廠茨邱灣至月亮坪與梭羅寨竄
去之賊合夥約三百餘人經閭俊烈跟蹤追剿
該匪現折寒溪河奔竄臣隨飛飭達斯呼爾岱

羅聲皇由千龍碾蓼子口向東探剿並飭田朝

貴亦帶兵由城口前進與達斯呼爾岱併力趕

剿以期一鼓殲除臣卽率總兵王兆夢等入山

分路探搜遊擊湯占先自樊噲店至開縣之亮

埡子趕及零匪二十餘人殲斃三名生擒三名
餘賊十數名四散逃遁現飭分搜復據達斯呼
爾岱田朝貴稟報探悉合竄之賊又已分股一

竄中古溪一竄大寧之圍城一竄高坪場現已

分路趕剿臣卽劄知大巫一帶防剿之豐紳蒲

尙佐帶兵迎頭探剿毋令東竄又接雙石子營

盤副將唐文淑稟報總兵達白祥搜獲偽總兵

邱國科旗手王小駝二名副將多隆武搜獲賊
匪二名委員縣丞李晶帶領寨勇殺賊二名生
擒一名太平寨民搜獲賊匪二名並探有賊匪
百餘人由東鄉泡通山竄至白楊廟向西奔逃
唐文淑已派兵三百名交遊擊劉元明帶領以
鹿蹄壩趕剿奏入

上命軍機大臣傳諭額勒登保勒保曰額勒登保奏

官兵向開縣大寧山內趕剿零匪情形此次各路零星搜捕均有斬獲惟閩倭烈所剿之二百餘人一起與大寧竄匪一百餘人分股逃竄現在達斯呼爾岱田朝貴兩路官兵儘數剿辦額勒登保當飭知該鎮將等就地殲淨勿致又竄楚境再嚴飭豐紳蒲尙佐將此三百餘人責成伊二人趕緊殲剿並於邊界嚴密防範如有疎懈致令東竄入

楚必治以防堵不力之罪至由東鄉向西奔竄之
賊匪百餘人現經唐文淑派兵三百名交遊擊劉
元明帶領起剿恐不敷兜擊著勒保遊派一二將
領酌帶官兵將此起零匪確探迎剿務令尅期辦
竣再陝省從前召募鄉勇四五萬人前年冬間陸
續裁撤至上年七月間經額勒登保奏定始有給
資遣送回籍之例此等鄉勇前後遣散日期有無

登記其給予路費及未經給予者該地方官是否
申報上司立有案據亦當詳細查訪勿令致有侵
冒捏飾至遣散之鄉勇在安分者無論得受廩給
與否自能各謀生業若桀驁性成之徒卽給與路
費賞銀亦不能保無流蕩爲匪情事額勒登保當
稜知各該督撫等飭令地方官隨時查察如有散
遣之鄉勇犯法滋事亦不必問其從前會否給與

路費賞銀總當一律嚴拏懲治俾知儆畏自可漸
就安輯也

二十八日

半酉

吳熊光奏言據副將張瑗叅將祝

廷彪稟稱該將等在興山平木山抄剿竄匪探
聞有賊二十餘人由燕麥嶺後山竄出向水牛
沖奔逃又有賊匪一起約數十人由盤水河老
林竄往舉厥均屬房縣地界張瑗等當卽督率

都司余步雲追至仰天窩殲斃賊匪七名生擒
一名解送揚遇春軍營審明正法嗣張瑗等追
賊行至九道梁適與揚遇春會合探聞該匪又
分竄薛家坪三座庵紅花梁等處揚遇春現在
督率張瑗等取道北上龕前往分投搜剿又據房
縣團練委員生向稟報有賊匪三十餘人竄至
天保寨據得在田耕作寨民赴寨抵換鹽米經

團長袁國富糾集寨勇前往剿捕殺斃賊匪七
名正在相持間又有賊匪二十餘名隨後趕至
將賊屍搶去五具遁入甘溝老林只割取耳記
兩副又歇馬河委員詹英豪擊獲賊匪一名歐
家店委員王景邕搜獲賊匪一名又據署竹山
縣范繼昌稟報團練委員張從鼎率同團長都
之魁等搜獲賊匪陳之惠一名臣親提查訊均

係積年矛手當各正法

同日吳熊光全保奏言

臣等接奉

諭旨發交長麟條奏川陝楚三省善後事宜一摺伏

查湖北州縣賊匪歷年往來竄擾之地各處居

民或於平地築堡或於山頂結寨專爲避賊免

害之計

臣

等留心查詢如平陽大路所築土堡

本將居民房屋圍築於內較爲寬大因日漸坍

場居民亦並未修復已歸廢棄其即宜一帶山
中土堡石堡大都墻垣高厚居民較衆且已建
築瓦房儼成市鎮勢難概令遷移全行毀棄此
種堡寨一縣之中不過數處及十餘處不等其
餘或數十戶爲一寨或一二百戶爲一寨悉在
高山之巔外無高厚牆垣內止草房茅舍不過
憑高據險權避賊鋒非特取水運物在在不易

卽民人上下其間亦甚艱苦近日寨民因見賊數無多已有遷居原屋者將來零匪悉數殲除居民自必紛紛下寨斷不肯久棲山頂維時卽責成團練各員會同地方官將山寨以次拆毀在居民視已棄之寨無可顧惜似亦不至別生枝節至鎗礮刀子矛等項軍器原非民間應有之物各寨所製軍器大約鎗礮十居一二長矛十

居八九自應查明悉數收繳

臣

等於上年派員

團練之時卽密飭各委員借團練爲名將寨中

所有鎗斃刀子等項器械逐一點驗密記本司

之下並不宜露收繳俟搜捕將次完竣臨期酌

定再行奏

聞再如長麟所奏將堡總寨頭立爲鄉正專令查考
保甲勤惰則保甲轉受其所制設有作奸犯科

藏匪匪徒之事保甲轉爲所用必致互相容隱
不敢舉發殊有關係至生員選充鄉鐸保用訓
導一層此例一開不過徒添一鑽營僥進之門
於事仍無實濟臣等愚昧之見惟有慎選官吏
實心撫治並整飭營伍示以兵威使之感畏交
生奸民無由覬覦地方亦可漸臻寧謐均奏入
上命軍機大臣傳諭吳熊光曰此時楚省已無成股

之賊零星散竄者爲數實已無幾吳熊光惟當飭
令鎮將等倍加奮勉務於六月內將各處零匪搜
捕淨盡用葺全功不得以驅逼出境遂爲了事至
軍火糧運亦當飭知屬員等按時供支勿形缺乏
又奏議各處堡寨除原有坍塌並未修復及居民
較衆不致藏垢納污處所自應仍舊存留外其山
巔各寨此時因餘匪未盡殄除居民等尙資棲止

或未可卽時毀棄但將來匪黨全就廓清後山頂居民亦必漸歸原屋所有空間堡寨自當卽行拆毀雖從前如姚之富齊王氏等首逆滋事時並未占踞山寨之事但既有曠宅憑高負險查察難周恐無籍游民不免招呼匪黨聚處其中致生事端不可不預行防範該督等惟當派委誠實可靠府州縣官妥爲經理俾絕根源其軍器一項該省

既有冊檔可稽俟搜剿全竣後即可按冊指名飭
繳總在該督撫慎選官吏留心整飭地方自可寧

謐

二十九日

王

勒保奏言

臣

於十七日抵開縣所

屬長店坊據叅將羅思舉稟報初五日在花藥

山搜獲零匪六名內李德輝等三名訊係被擄

難民經寨民保領其賊手楊秀一等三名立時

正法又據叅將陳弼稟報在仙人山殺斃賊匪
四名生擒一名據供我叫李廷孝是仁和寨人

今年四月間被擄這起賊是余佐斌熊老八等

九人本日被兵殺斃的四個人一個是旗手姓

徐不知名字三個都是戰手陳弼當將李廷孝

解交開縣取保安插

註

查余熊二逆僅剩五人

免脫諒不能遠颺現飭兵勇上緊搜捕并傳諭

桐寨團勇留心盤查以期必獲又據署雲陽縣知縣梁敦懷稟稱前次差令張長青招投之黃國濠等十四人正在分別遞籍間適有零匪二十三人竄至雲陽所屬後背槽一帶聲言欲赴縣投誠要見王國賢說話該署縣卽飭令王國賢帶同黃國濠陳文學一同赴後背槽將該起零匪胡大年等二十九名全數招出梁敦懷逐

加查訊並將

聖主好生之德一一曉諭開導該犯等自喜再生投誠更爲真切梁敦懷卽開具各犯姓名籍貫並敘錄供詞具稟臣查該犯等均係川北川東各州縣民人爲青藍黃各號賊匪脅從入夥近日官兵到處搜捕潛匿不住又聞張長青王國賢等先後投出均邀免罪是以投誠當卽批飭梁

敦懷仍舊照前次章程辦理又據叅將桂涵稟
報初八日探得有零賊二股合夥約二百人向
金峯山林內潛匿當卽帶兵往剿殺賊七名該
境箐林叢雜賊匪四處埋伏把總蘇應照奮力
衝殺突被矛傷陣亡桂涵鼓勵兵勇奮力衝殺
又斃賊十餘名該匪仍分作兩起竄去臣查此
時開太一帶惟此起彼賊匪爲數稍多當飭桂涵

陳弼探蹤追剿再據辦理東鄉團練之委員李
光謙稟稱有零匪七人冒充探事官兵出涼風
垭經過沿途打撈口食該員因其形蹟可疑當
率團勇查拏擒獲四名審係打散零匪尙有三
賊逃脫適有經畧軍營差弁楊瑞科經過途次
相值盤獲二名又經青坪寨首唐德裕擒獲一
名均卽行正法示衆又據署通江縣知縣徐廷

鈺稟報該縣守汛外委賈朝順等獲賊匪顧添
富一名查係馮麻子朱癩子等夥內之賊前此
傷害穆克登布時該犯亦在夥內卽飭該縣臬
斷示衆又據總理團練知府趙秉淵稟稱軍功
文太祁邱馥等帶領團勇搜山捕獲賊匪四名
又大竹縣典史徐五雲帶領壯勇搜山在二道
橋殺斃賊匪二名生擒一名又辦理達縣團練

委員趙宜謨在蒲包山搜獲賊匪二名均經審
明正法奏入

上命軍機大臣傳諭勒保曰余佐斌熊老八等係賊
黨穆克登布之賊必當擒獲盡法處治今日久尙
在脫逃然僅止五人勢難遠颺該督當飭知官兵
團勇等留心盤詰務將余佐斌熊老八等五犯生
擒仍酌量將一犯解京辦理毋任漏網至所稱署

雲陽令梁敦懷招撫胡大年等二十九名胡大年等既係被脅入夥之人今悔罪投誠自應免其一死但此等匪徒宜散而不宜聚總當查明各犯原籍分別遣回取具的保管束所有遇伏陣亡之把總蘇應照著咨部賜卹再昨據額勒登保奏探有賊匪百餘人由東鄉泡通山竄至白楊廟向西奔逃經副將唐文淑派兵三百名交遊擊劉元明帶

領出鹿蹄坵趕剿等語該匪等向西奔竄恐致散漫而劉元明帶兵較少不敷兜擊當經諭令勒保派員帶兵迎剿本日摺內並未將此股賊匪聲敘是否卽係桂涵等所追賊股著卽查明具奏

上又命軍機大臣傳諭馬慧裕曰現在川陝需用餉項著於豫省存貯項下撥銀三十萬兩解交勒保收貯備用撥銀二十五萬兩解交祖之望收貯備

用本日另降諭旨於兩淮商捐等項下撥銀三十萬兩存貯豫省該撫於兩淮銀兩解到之日仍卽收貯候撥

上又命軍機大臣傳諭兩淮鹽政佶山曰現在川陝楚善後事宜需用較多著於兩淮商捐等項下撥銀三十萬兩解赴河南交馬慧裕存貯候撥